

(8)

ILLUSTRISS., ET REVERENDISS.

D. D.

diabolus

HIERONYMI HENRICI

COMITIS

BELTRAMINI MIAZZI

ELOGIUM.

N. N. V. V.

ZERBINO FRANCISCO BETTIS

ACELANO


ET

HIRONYMO SARTORI

BASSANENSI,

DEFUNCTI EPISCOPI CONSANGUINEIS,

DEQ. EO OPTIME MERITIS DICATUM.



TARVISII;

MDGCLXXIX



TYPIS JO: ANTONII PLANTÆ,

SUPERIORUM PERMISSU.

X III. X



ILLUSTRISS., ET REVERENDISS.

D. D.

HIERONYMI HENRICI
COMITIS
BELTRAMINI MIAZZI

E L O G I U M.



HIERONYMUS HENRICUS COMES BELTRAMINI MIAZZI natus Bassani ex Illustri Familia de Asylo, Bassanensi etiam Collegio adscripta, quæ simul cum Riccatiana inter Patritias Tarvisinæ Urbis magno totius Ordinis consensu adnumerata est, dum adhuc noster impubis esset, ingenio fuit experfecto, & ad disciplinas addiscendas magnopere accomodato, sed morum suavitate vel in primis prædito sic, ut facile aspicium a prima ætate capi posset, eundem inter Nobiles Adolefcentes, qui gratia, & favore apud omnes maxime polleant, nulli fore secundum.

Rem probavit eventus. Nam humanioribus primum Litteris in Seminario Tarvisino optimis Præceptoribus florente, inter quos celeberrimus Ubalduſus Bregolini J. U. D., degustatis, Honoriæ statim concessit, in qua Urbe poltioribus Philologiæ studiis magis magisque excultus in Schola celeberrimi Ayunculi P. Roberti S. J. ad Mathematicas deinceps Disciplinas, & phyſicas

A *

Scienc

X IV. X

Scientias animum appulit, duce, ac Præceptore summo clarissimo illo Italiæ lumine Vincentio Riccato ejusdem Societatis, quem Tarvisina Civitas tamquam e naufriago emersum, sicuti summo sibi honori duxerat in sinum suum ac veluti portum recepisse, ita paucos post annos extinctum vidisse ve-
ris lacrymis prosequuta est.

Hiscæ egregiis ornamentis instructus HIERONYMUS, cum esset annorum ferme viginti ad Patriam regreditur, statimque factum ut omnes patricii generis Viri eundem sibi adjungere, cum eo familiaritatem inire, ad convivia, ad spectacula focum adhibere certatim cuperent; nonnulli eorum, & ex his præstantiores, nec vitam ducere posse sine eo discurrerent, earumque rerum, quæ vel Ordinis decori, vel Urbis aliquo modo congruere videbantur, HIERONYMO procuratorem pierumque deferrent, reliquis cæteroque Ordinibus acceptissimo, & ab exteris maxime Tarvisum adventantibus admirationi habito, tamquam absolutissimus esset in colenda, atque ornanda societate Adolescens.

Patriæ honores, & gradus sustinuit ea dignitate, quæ Familiam, & Urbem decebat; pecuniæ minime tenax, quin potius animo ad liberalitatem, & munificentiam composito.

Neque ob ea, quæ retulimus, quispiam in animum inducat suum Christiani hominis officia ab eo fuisse prætermissa, qui & communes urbauitatis, & privatas amicitia Leges tam sancte servaret, quin potius illud sine ulla dubitatione affirmare possumus, Religionem alte animo infixam perpetuo retinisse, ejusque Ministros magni semper fecisse; qui & ipsi vicissim non eundem aliquando studiose colere, neque prosequi benevolentia supra multos non poterant, cum esset etiam in ipso juvenutis fervore, atque in ipsis (ut ita dicam) aberrationibus, ita factus, comparatusque, ut aliquem vel verbo lædere nesciret, omnium autem animos indita quadam sibi peculiari humanitate devincere optime sciret.

Has autem egregias Naturæ dotes sublimioribus cumulare decreverat Deus Optimus Maximus, & thesaurus hujusmodi in Ecclesiæ utilitatem convertere, cum eidem animo iudicet, ut sæcularem statum deponeret, nomenque suum inter Clericos daret, quod nonnisi summa maturitate, & consultissima Viris auctoribus executus est ineunte anno 1772. ætatis suæ 32. Matre, quæ spem omnem conservandæ Familiæ, carisque Nepotibus solandæ, senectæ cum eo amittebat, obsequiis aliisque plurimis filialis observantiæ significationibus prius delinita.

Quemadmodum vero Clericis, pomparum sæculi, ac voluptatum contemptu, eximia in Deum religione, & morum castimonia plane singulari anteire
omnis

omnibus statim visus est; ita ad Sacerdotium promotus perfecti in eo gradu Sacrorum Ministri exemplar attigisse il omnes existimant, qui eo familiariter urebantur, vel penitus explorabant.

Etenim SS Canonum, & Theologiæ studia percurrans, Antecessore Sebastiano Marcuzzi S Th. D. & in Seminario Tarvisino haud ita pridem Jurisprudentiæ Professore (qui hoc uno Discipulo multorum jacturam compensari posse, non fallaciter a limine ipso præsentit, & multis denunciavit, quæque hoc Elogium impetu quodam doloris veluti effudit) nihil inausum, intentatumque reliquit (cum præsertim maxime facili esset ingenio) ut ad ea, quæ celerrime, ac probe didicerat, mores suos, totamque vitæ consuetudinem attemperaret sic, ut antiquam Presbyterii formam in se uno veluti exprimeret, provisoribus quasi stimulos adderet.

Sed ad Animarum curam, veræque pietatis propagationem eundem vocabat divina Providentia, quæ non incassum tot egregias doctores, atque ad omnes sibi conciliandos animos mirifice accomodatas eidem contulerat, inter quas non infimum locum obtinebat effusa in pauperes munificentia, & in miseros intima quædam, ac peculiaris animi afflictio. Incredibile dictu, quam nulla ferme interjecta mora, inter eximios Sacramenti Pœnitentiæ Ministros sit habitus, ad eumque innumeri pene concurrerent ex tota Urbe non modo, sed ex ipso etiam Tarvisino agro; quomodo ejus monita, atque sententiæ ex intimo animi sensu veluti expressæ hominis a cupiditate quilibet, seu questus, seu gloriæ alienissimi in animos auditorum influerent; quam multos a vitis ad virtutem, a vivendi licentia ad severiorem Evangelii trutinam divino quodam sermonis lepore brevi traduxerit; & quo passim ad omnia, quæ aut pietatem, aut proximi utilitatem attingerent, HIERONYMI studium se extenderet; nihil ferme per ea tempora sine hoc, vel Audore, vel Auspice promoveretur, cum tamen ipse ab hominum conspectu se se subtrahere & (ut omnem sibi ad Ecclesiasticum gradum, & dignitates aditum intercluderet) in Parochiali Domo S. Mariæ Majoris, ut ajunt, in extrema Urbis parte sita se abdere nervis omnibus contendisset: nec inde extrahi se pateretur, nisi cum decumbentibus, aut etiam animam agentibus (quicumque tandem il essent, vel quocumque ipse accersirus) opem ferre opus esset; quo in munere sane gravissimo, nec perculia vacuo, atque unice ex charitate suscepto vitam prodegisse suam, & phthisis semina, quæ postea erupit, ebibisse, qui totam rem probe norunt, non levi judicio pronunciant.

Tot, tantarumque virtutum fama, quæ omnem Civitatem commovit, mirandum non est ad alias quoque Urbes permeasse, & acris judicii virum Fel-

X VI. X

Feltrensem Episcopum Minuecium, qui præclari Neomystæ consuetudine aliquantisper etiam frui potuit, ad sui amorem excitasse, enque demum adduxisse, ut cum ab Episcopali illa Sede avulsus, & ad Ariminensem translatum se esse intelligeret a Sapientissimo, atque Optimo Pio VI, non alium quam HIERONYMUM (posthabito sibi carissimo ex Sorore Nepote peregrinationis suæ comite) in suum locum, ac Sedem substituendum, pro summa animi sui magnitudine, & singulari in Feltrensem viduatam Ecclesiam benevolentia, interroganti Pontifici Maximo fidenter responderit.

Renunciatur igitur Feltrensum Episcopus HIERONYMUS plaudentibus omnibus, se uno nihil sibi plaudente, quin potius communem lætiam suam quasi luctu cohibente, atque animum tum maxime despondente, cum omnes in spem magnam erigebantur, fore illum inter Episcopos clarissimum lumen, sicuti inter minores fuerat Sacerdotes: quod iudicium in summa ejus animi moderatione, & æquitate, nec non in expediendis negotiis dexteritate, ac prudentiâ fundatum, & Romani Præsules perspicacissimi, qui eundem postea agnoverunt, atque humanissime exceptum Roma dimiserunt, & gravissimi Venetorum Patres Conscripti, quibus jamdiu innotuerat, magno consensu approbarunt.

Et sane ad nos redeunte HIERONYMO, in sperato Episcopatus honore, quasi radiis præfulgente, nihil de ingenio animi candore, nihil de consuetudine humanitate detractum in eo vidimus, quin potius virtutes ejusdem omnes, tamquam in vertice aliquo posite adeo omnium oculos perstrinxerunt, tum Civium, tum exterorum, ut nihil unquam tam avide optarit Feltrensis Ecclesia, quam ut ad se convolare, pro certo habens, Angelum pacis sibi adfuturum; fausta & felicia omnia in antecessum mente percurrens; quodque beata, Duce hoc & Antistite, predicari ubique debuerit, exultans, atque adeo secum ipsa quodammodo triumphum agens; cum reapse nunquam tam vera, aut vero similia cecinisse illius temporis Vates communi opinione judicarentur.

Sed heu cæcas hominum mentes! VISUM ALITER SUPERIS arcano prorsus, nec mortalibus indagando consilio.

Jam omnia ad Episcopatum necessaria paraverat; jam optimorum, sibi que similium Ministrorum delectum habuerat; jam amantissimas Pastorales Litteras, tamquam resecti animi sensa, ad Ecclesiam Sponsam transmiserat, in quibus plane optimi, ac perfecti Regiminis regulas summarim complectebatur; quasque ad adamussim servandas se, suoque sacramento veluti obstrinxerat. Quid plura? Jam Sponsam ipsam inviserat, Sponsique ac Patris affectu verius, quam verbis allocutus, mira prorsus, atque inaudita

amo-

X VII. X

amoris, & fidel argumenta ab ea acceperat, cum statim ob ægritudinem ab ejus sinu, & complexu secedere cogitur, & Patavium migrare; exinde iterum Tarvisium petere; tandem post varios casus, & rerum discrimina, quæ nos diu anxios, metumque inter ac spem fluctuantes detinere, ad eam domum redire, quam ad perpetuam veluti requiem ante Episcopatum sibi delegerat, inscripserat epigraphæ ex Psalmo: *hec regules mea in sæculum sæculi, hic habitabo quoniam elegi eam*, in qua Domo, sicuti & in Ecclesia eidem adnexa B. V., cui erat addictissimus, & in qua ejus præcordia quiescunt, munificentiæ ipsius, ac pietatis perennia monimenta supersunt.

Postremus vitæ Actus ejusdem non solum reliquis perfecte respondit, sed & omnes multarum, magnarumque, præsertim obfirmatæ in Deum fidei, atque invictæ patientiæ superavit accessione virtutum. Morrem subiturus in arenam Christianæ poenitentiae, quasi Athleta, descendit, sola sua (ut ita dixerim) virtute præcinctus; cum per inopinatos eventus non steterit, quominus intestatus obiret, nec haberet ex pinguiori existente facultate (quod supra fidem videtur) Vir suapte natura pronus ad dandum, ad accipiendum non item) quod Amicis legaret, nisi pio, & simul æquo consilio Consanguinei Familiæ hæredes intercessissent, seque vades constituissent: quæ omnia insausa & adversa, quasi Fatorum conspiratione, in unum conflua, sicuti ad majus Episcopalis virtutis robur ejusdem ostendendum miro quodam modo Providentia contexit, ita ad sui, suorumque illustriorem commendationem & Posterorum exemplum, ab ingenuo Scriptore prætereunda non erant.

Ecclesiæ verb Sponsæ, & Filiis Feltrensibus satis amplum Patrimonium paterni nominis & gloriæ, imo & charitatis vere pastoralis reliquit; cum ejus curam, ne infirmus quidem, dimisit, imo, & absens, atque adeo decumbens eisdem aliquando plus profuit, quam quivis alius, & præsens, & optima valetudine, & gubernaculo ipsemet infidens vix profuisset.

Eiatus est VI. Kal. Aprilis, comitante universo Populo, præeunte Cathedralis Ecclesiæ insigni Capitulo, Urbe suis pene sedibus convulsa ad ejus funus ornandum; ab omnibus, ne invidis quidem exceptis, aut adversariis (si quos habuit aliquando, ut fere semper allicujus nominis, & celebritatis Viri consueverunt) laudatus, (& quod gloriæ cumulum adjicit) a nonnullis etiam divini Verbi Præconibus ad imitandi exemplum ex Cathedra ipsa Veritatis propositus.

Ast magna funeris pompa, quæ defunctum Pontificem illustravit, fuerunt lacrymæ Pupillorum, & Viduarum supernam misericordiam Viro misericordii adprecantium, quæ multo melius, multoque disertius laudes ejusdem prædica-

X VIII. X

dicabant silentio, quam splendido, & eleganti verborum apparatu conitari potuerit ejus Orator Jacobus Pellizzari, cæteroquin doctissimus.

Decessit mærore bonorum omnium, magno apud omnes, & præcipue Feltrenses sui deſiderio relicto, ætatis ſuæ anno 41. Episcopatus vero Menſe XV. vix inchoato.

F I N I S.